

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiarvm

Leuren, Peter

Coloniæ Agrippinæ, 1704

832. Quid præstandum actori, ut juvetur hac regulâ, & excludat
exceptionem.

[urn:nbn:de:hbz:466:1-74485](#)

seatur. Unde vides hac regulâ nos prohiberi absoluere possesorem molestare, aut ejus beneficium impetrari; sed solum casu quo non serventur conditioes in regula præscriptâ; illis enim servatis con ceditur impetratio. Castrop. loc. cit. num. 5. Vides etiam ex hoc ipso regulâ proœmio: ut improbi tites exquiruentem mores exprimantur: quod quamvis regula hæc directè magis intenta sit, non tam in odium impenitram, aut favorem possessorum, quâm in commune bonum Republicæ, cuius intereste judiciâ exerceri, ne cuiquam detur ansa propriâ manu sibi quis dicendi, & ut ab iis lictibus materia omnis calumniandi arceatur. Lott. l.2. q. 52. n. 6. & 9. Nihilominus etiam regulam hanc emanasse & dirigi ad exquiruenti lites, seu adversus impenitantes & molestantes pacificos possesores, tradit cum communi Lott. ibid. n. 27. ut & in favorem possessorum, ut eos tueatur. Parî. l.3. q. 5. n. 55. Quamvis potius in dictum odium, quam in hunc favorem. Card. Luca de benef. in sum. n. 234. De cetero pro meliore hujus regulâ intelligentia,

Quæstio 829. Circa conditiones illas servandas ab actore seu impenitante, qua servanda in expressione illorum punitorum exprimendorum?

1. **R**espondeo sequentia: primò juxta probabilem, quam tenet Castrop. cit. n. 5. contrarium sentientibus, quos citat Rebuff. gl. 9. & Azor. p. 2. l.7. c. 34. q. 8. non esse necesse ab eo exprimi cognomen possessoris; cum regula, solius nominis, & nullam cognominis mentionem faciat.

2. Secundò: cum dicitur, exprimi debere gradum possessoris, hoc est, num sit Doctor vel Licentiatus, vel Magister in Theologia, jure canonico vel civili, id intelligendum, si habeat gradum (idem est de nobilitate) alias, quod non est, non potest exprimi. Alph. Soto apud Chok. hic num. 9. Et dum habet gradum, non esse necesse exprimi, an sit Professor publicus Theologiz, an Juris. Castrop. ibid. contra Azor. loc. cit. q. 9.

3. Tertiò: hæc & similia, quæ exprimi & referri debent, sufficere, quod exprimantur juxta communem vulgi opinionem; neque enim impenitans videtur obligari ad faciendam ampliorem informationem. Castrop. loc. cit. ita ut hanc expressionem excusat fama in contrarium, vel probabilis ignorantia; ut si aliquis factus esset Doctor clandestinus. Alph. Soto, loc. cit. n. 11.

4. Quartò: quodad expressionem causæ, non sufficere allegare, nullum possessori jus in beneficio competere, sed debere proferri causam determinatam & specificam, hoc est, singularem & individuam. Castrop. ibid.

Quæstio 830. An etiam in impetratione facta ab Ordinario, aut Legato Apostolico necessitatem exprimere dictas conditiones?

1. **R**espondeo ad primum negativè; nam Ordinario cognitum esse deberet, quis sit annalis possessor, & quem titulum habeat; & quot annis possederit; cum juxta c. decernimus. 10. q. 1. & c. conquerente, de off. Ordinar. in 6. teneatur quotannis diocesin suam visitare. Castrop. loc. cit. n. 7. citans Gomes. ad hanc reg. q. 9. Mand. q. 50. Azor. p. 2. l. 7. c. 34. q. 11. Atque ita, quod hinc sequitur, locum non habere hanc regulam de annali extra Curiam, do-

cet Chok. hic. num. 55. dicens Rotam multifariam esse secutam hanc opinionem.

2. Respondeo ad secundum affirmativè; Legato enim æquè ac Pontifici possesores beneficiorum, ac beneficiâ ipsi sunt incognita. Neque, ut recte Gonz. gl. 21. n. 37. & 38. Legatus propriè est Ordinarius, sed impropriè, & superinductus. Castrop. cit. n. 7. citans Azor. Rebuff. Mand. contra Gomes. cit. q. 10. Atque ita locum habere haec regulam in provisione Legati, contra Gomes. hic q. 9. docet Mando q. 50. Et sic decisum esse in Colonienf. Canonic. 2. Junii 1574. testatur Seraphin. decif. 285. n. 9. apud Chok. hic n. 56. et si is in contrarium inclinet.

Quæstio 831. Quid præstandum reo seu possessori, contra quem movetur actio, ut juvetur hac regulâ?

1. **R**espondeo: teneri illum primò de ea excipere; neque enim ipso jure operatur haec regula effectum suum contra impenitentem, sed ope exceptionis. Lott. l.2. q. 52. num. 12. citans Sarn. ad hanc reg. q. 4. Rebuff. q. 8. Mantic. decif. 46. n. 4.

2. Respondeo secundò: ut dicta regula suffragetur excipienti, non sufficere ejus allegatio, et si sit notoria, sed requiritur positivus ejus usus per realem illius productionem, servata formâ regula Cancell. de producenda. Lott. ibid. n. 13. citans Gomes q. 4. Gonz. gl. 56. n. 82. Gratian. discept. forens. c. 574. n. 27. Porro exceptio illa annualitatis semper est in &c de tempore, hoc est, non admittitur solum in quacunque parte judicij, & in quacunque instaurâ. Lott. n. 14. citans Cassad. decif. 12. n. 1. super Reg. Rotam decif. 601. p. 4. recent. sed etiam post sententiam & executionem, ita ut fiat retrotractio virtutis illius ad omnia precedentia. Lott. num. 15. citans Gonz. gl. 66. n. 45. Gratian. ubi ante n. 30. Et hoc etiam ad effectum restitutionis possessionis. Lott. n. 16. citans Rot. decif. 309. p. 3. divers. l. 3.

3. Respondeo tertio: mox, ubi exceptio haec annualitatis fuerit legitimè objecta, erit justificanda ex duabus circumstantiis, nimurum quod possesso sit annualis, & quod sit pacifica. Lott. loc. cit. num. 17.

Quæstio 832. Quid præstandum actori, ut juvetur hac regulâ, seu ut elidat exceptionem?

1. **R**espondeo: posse illum juvari triplici replicatione; & primò quidem impugnando factum, ostendendo nimurum, se fuisse prouisum ante annualitatem, vel etiam ante aliquam possessionem, vel etiam suppositâ annualitate, eam fuisse litigiosam. Lott. cit. q. 52. n. 26. & 27. Secundò, ostendendo notoriæ inhabilitatem persona, nimurum habentis beneficium. Lott. n. 37. quod tamen n. 38. ait intelligendum de incapacitate canonizata, adeoque notoria per confessionem aut judicatum, ut non possit in controversiam revocari; si enim possit dari instantia veritatis in contrarium, etiam ex aliquo jure speciali, cessaret illa replicatio. Tertiò, satisfaciendo ex parte sua dispositioni regulæ, seu servando accurate omnia, quæ in ea præscribuntur. Lott. n. 50. Hinc jam descendendo ad particularia,

* *

Quæ